



Cumuni di Figari

Ciurràta natìa di Petru Casu

La dì 13 di Abbrili di lu 1878

Pétru Casu è statu unu di li più manni scrittori e poeti saldi. Vantàtu abbeddhu da la ghjenti e da li studiòsi, scrisi predichi mintuàti, profundi poesii e beddhi rumanzi.

Pétru Casu **nascìsì in Bilchiddha la dì 13 d'Abbrili di lu 1878**, settimu fiddhólu di Salvadóri e Maria Apeddu. Illa 'ita sóia fési lu teologo, lu predicadóri e lu filosofu. Mastru di Littari (Lettere) illi cunventi di Ozieri e Sassari. Pa' la ghjesgia divintési preti prima di Óscari e dapoi di Bilchiddha, lu só' paesi natìu, undi stési finza a candu è moltu, la dì 20 di Ghjinnàghju di lu 1954.

Pétru Casu è statu unu di li passunaghji più impultanti di tuttu lu cumènciu di lu Noicentu saldu.

Scrisi abbeddhu pezzi pa' li rivisti e giornali saldi di lu tempu, più e più innantu a la Saldigna.

Pa' la só' manéra di rasgiunà bastanti abbalta, la ghjenti di ghjesgia lu ghjudichési, più in fini pa' celti papéri scritti innantu a algumènti di la ghjesgia ghjudicati un pocu cuntrari ma ancóra pa' li só' rumanzi più mintuàti.

Pétru Casu cunniscia bè la Linga Salga e n'éra abbeddhu amantiósu tantu chi cilchési umbè di nuttizi innantu a lu Logudorésu chi trattàa umbè illi só' predichi e illi só' cuntrastati impultanti. Li só' predichi vinìsini publicati dapói ch'è moltu e so stati cantati abbeddhu intra di la ghjenti. Abbeddhu mintuàti sò chissi publicati illu libbru "Predichi" (Preigas) illu 1979. Illu 2003 l'editóri Ilisso cun l'agghjutu di l'ISRE pubblichési lu Vocabolariu Saldu Logudorésu – Italianu, da più di 1000 papéri scritti a manu siguti da Giuliu Paulis. Appiù Pétru Casu traducìsì in saldu abbeddhu poesii italiani e di tarrì angèni. È ancóra mintuàtu pa' aé fattu un traduzioni infini in saldu logudorésu di la Divina Cumèdia, publicata inn Ozieri illu 1929 da la "Editrici F. Nieddha e fiddhóli" cu' lu tittulu di La Divina Cuedia di Danti in lingua salda. Éra cunnottu pa' lu più pa' li só' rumanzi; di chissi più impultanti ammintèmu: *Notti salda* (1910) e *La voragini* (1926). Da poch'anni sò isciùti umbè di trabaddhi chi faèddhani di iddhu: Ghjaseppa Ruju insembi a l'editóri "Della Torre" àni publicatu nuttizi innantu a la 'ita e la poesia di Babbai Pétru (comu lu chjamàa la ghjenti sóia).

